

大飢民多餓死幕府設場于北野祇園二處賑之

〔例書四〕一壹ヶ年飢饉にて江戸中米拂底故輕き町人共難義致候に付身上向宜敷町人共の救を出候處新橋近處富家成町人救を不致由裏店之者ども町奉行石河土佐守殿江訴出候節奉行被申聞候は富家成者共救不救は其者共之了簡に有之事にて右富家なる町人ども何程懷に有之哉亦其方共何百人と申眷屬共を假初なる貯にて容易に難救事に候處右體相願候は理不盡なる願に而不屈千萬に候依之其方ども眷屬を不殘右富家成者江御預被成候間急度預り證文指出呼出之節召連可罷出旨申渡す

凶年免租

〔續日本紀三文武〕大寶三年七月甲午以災異頻見年穀不登詔減京畿及太宰府管内諸國調半并免天下之庸

慶雲元年十月丁巳有詔以水旱失時年穀不稔免課役并當年田租二年四月壬子詔曰朕以菲薄之躬託于王公之上不能德感上天仁及黎庶遂令陰陽錯謬水旱失時年穀不登民多菜色每念於此惻怛於心宜令五大寺讀金光明經爲救民苦天下諸國勿收今年舉稅之利并減庸半

〔日本後紀八桓武〕延曆十八年六月戊寅詔曰惟王經國德政爲先惟帝養民嘉穀爲本朕以寡薄忝承洪基懼甚履水懷乎御朽味且丕顯日昃聽朝思弘政治冀宣風化時雍未洽陰陽失和去年不登稼穡被害眷言其弊有憫于懷宜敷寬恩答彼咎祥其被損尤甚之處美作備前備後南海道諸國肥前豐後等十一國去年田租特全免之

凶年賜物

〔續日本紀十七聖武〕天平十九年二月丁卯以去年亢旱年穀不登詔爲治產業賜大臣已下諸司才伎長上已上稅布并鹽各有差

〔續日本紀十七聖武〕天平勝寶元年正月己巳比年頻遭亢陽五穀不登官人妻子多有飢乏於是文武官及諸家司給米人別月六斗